

Stromunfall

Jetzt gohts um Volt, Ampere ond Ohm,
mit oim Wort, jetzt gohts om da Strom.
S Elektrisch isch ja wirklich gschickt
Ond macht a Hausfrau ganz beglückt.
Durch Strom wird's Leba erschd bequem
Ond richtgehend angenehm.
Doch drondernei merkt mr bestürzt,
dass Strom das Leba au verkürzt.
Seis bei ra Lampareparadur,
seis durch a Bügeleisaschnur,
mr scheidet au aus dieser Welt,
wen dr Lockastab en d Badwann fällt.
Ond mancher wird, mr wills net hoffa,
beim Wandra au vom Blitz getroffa.
Dr Strom brengts Herz ganz aus em Tritt,
no macht dr Kreislauf nemma mit.
S Bewußtsein fehlt, die Atmung steht,
dr Helfer woiß wias weitergeht.
Mr ziagt zuerschd da Stecker raus,
oder schaltet d Sicherung aus.
Bei Hochspannung ond solche Sacha
Derf des bloß a Fachmann macha.
Dann kann mr sich zum Verletzta wenda
Ond ihm Erschde Hilfe spenda.
Je nach Bedarf, des wär ganz schee,
Lagerung, Atemspende, HLW.
Hot mr a Verbrennung gfonda,
wird dui keimfrei halt verbonda.
Jeder wird nach Stromkontakt
En an Notarztwaga packt
Ond wenn er s ganz richtig macht,
a paar Stond gründlich überwacht.

aus: Falk Henkel, Erschde Hilfe in „schwäbisch“

